

pagandæ utili invento primi incubuerunt, & porro deinceps incumbent.
Item: *Quantæ inde utilitates generi humano provenientes, non satis est dicere.*

Equidem, quàm jejunè admodùm, priusquam Telescopia detecta atque exculpta fuere, de plurimis rebus æthereis Veteres philosophati sunt: ut ne quidem viam Lacteam rectè cognoverint. In cujus, quæso, cognitionem venissent Faculæ, Luculæ, Maculæ Solares, Lunaresque: quis sibi unquam persuaderi passus fuisset, plures quàm septem adesse Errones, quorum nonnulli præter Lunam suas quoque habent vicissitudines, luminisque patiuntur incrementa & decrementa, inprimis aliquem, utpote Saturnum, admirandâ, ratione annuli sui, quo nunquam non cingitur, & in quo liberrimè super axem circumvolvitur, facie apparere. Quis unquam adeò præcisè Eclipses Luminarium, Occultationesque Siderum, Jovis, Saturniq; Comites, Maculasque Jovis, Martisque, reliqua ut taceam, observasset ac detexisset. Ultra hæc, quàm admiranda & abscondita, prout toti Orbi innotuit, inprimis ab Illust. Societatibus Nostris Regiis in Physicis, Medicinâ, Rebusque Naturalibus, plurimis videlicet animalculis, herbis, floribus, metallis nuper detecta & explorata sunt, quæ hætenus ne quidem per somnium nobis in mentem venissent, beneficio nimirum illius præstantissimi Microscopii, ex Telescopio prognati; per quod magna illa DEI Opera magis magisque in Majorem Sui Nominis Gloriam deteguntur, præprimis fores ad abyssum Divinæ Sapientiæ plus plusque panduntur, quam per transfennam quasi inspicere hætenus tantùm nobis obtigit. Idcirco iterum iterumque largiendum, nisi Ægyptiis cæciores esse velimus, quòd DEO O. M. immortales debemus gratias pro detecto illo Telescopio, cujus ope plurimæ Scientiæ indies crescunt, imò eò majora capient incrementa, quò amplius Tuborum Opticorum augeatur perfectio. Id quod utique progressu temporis, adspirante Divino Numine, fieri etiam posse magna spes affulget. Quandoquidem ab ipso exordio, quo Tubospicilla primùm prodierunt, hucusque in annos ferè singulos nimium quantum

Telescopiis plurima sanè explorata fuerunt, quæ olim Veteribus vix in mentem veniebant.

Haud parva ope Microscopii etiam detecta sunt.

Habemus sanè, cur Deo gratias agamus pro cimiâ illâ Telescopiorum inventionem.

Auctor sibi persuadet, Telescopia posse successu temporis reddi perfectiora.

facta fuerunt absolutiora. Initiò construebantur tantummodò longitudine aliquot digitorum, unius aut alterius pedis; dein ad 4 5 & 6 ped. ea elaborarunt: at elapsis aliquot annis, Telescopia ex diversissimis lentibus longitudine 12 20 30 40 50 & 60 ped. fuerunt composita. Primùm alterà convexâ, alterà concavâ lente constabant; postmodùm verò ex tribus, quatuor, imò quinque convexis ea adornarunt: at nunc inter cætera quoddam 140 pedum possideo. Univerſa autem Telescopia, quò lentibus nitidioribus, perfectioribus, ex majori sphaeræ segmento elaboratis, objectivis nimirùm constant, eò Objecta clariùs, accuratiùsque exhibent, ac magis amplificant. Verùm hisce nondum acquiescimus, sed omni ope allaboratur, quò possimus illa adhuc reddere perfectiora, & quidem eatenus contrahere, ut breviora eundem, quem longiora, effectum producant.

Indies allaboratur, quò Telescopia possint reddi absolutiora.

Auctor haud proposuit hanc vice integrum libellum de expositione lentium componere.

Sed solummodo, quomodo ad Observationes exponi & dirigenda debeant.

Cælestium Rerum Metatoribus maxime etiam exquisitis Telescopiis opus est.

De quibus plurima dicenda & scribenda haberem, si instituti nostri ratio id permetteret, atque de universâ Telescopiorum structurâ, lentium politurâ, omnibusque eò spectantibus rebus Opus quoddam absolutum edere constituissem; at verò ista omnia ex composito hâc vice agere, non meum est propositum, atque ideò etiam his multum immorari nolo, sed breviter tantum Telescopia nostra aut manu nostrâ expolita, aut aliorum Præstantissimorum Artificum operâ confecta delibare decrevimus; inprimis verò, quâ ratione eorum tubi sint exstructi, quomodo à nobis ad Sidera exponantur, dirigantur, qualem apparatus pro cuiusvis Tubi longitudine, ad singula eò promptiùs exequenda, singulari & convenientissimo artificio adornaverim, ut quivis etiam omnium longissimi ac ponderosissimi Tubi à quolibet, etiam harum rerum prorsus ignaro, quàm promptissimè ac levisimè commoveri, attolli, demitti ac quaquaversum regi nonnequeant.

Cùm igitur indubitatum omninò sit Astronomis, præ aliis Uraniam penitiùs excolere, Cælumque introspicere desiderantibus, non solum diversissimis Organis Astronomicis, utpote Quadrantibus, Sextantibus, Octantibus, ac hujus





Fig. X.
A. Beer delin.

J. Saal sculp.

facta fuerunt absolutiora. Incho constructabantur tantummodo longitudinis aliquot digitorum, unius aut alterius pedis; dein ad 4 & 6 ped. ea elaborarunt; ac elapsis aliquot annis, Telescopia ex diversissimis longibus longitudine 12 20 30 40 & 50 ped. fuerunt composita. Primum altera convexa, altera concava lente consistant; postea secundum vero ex tribus, quatuor, imo omnique convexis ea adornantur: ac nunquam ex cetera quodammodo pedum possideo. Universalem Helioscopia, quo lentibus ut plurimum, perfectioribus, ex multis ipsorum segmento obiectivis, obiectivis numerum consistant, eo Obiecta clariora & rariusque exhibentur, & magis amplificantur. Verum haec nondum acquiescere potest, sed omni ope allaborare, quod possimus illa adhuc perfectiora, & quidem ex multis contrahere, ut nonnullam tandem, quem longiora, esse praesentent.

Indist. et laboriosa quae Telescopia postea reddi solent.

Auctor lenti



X. g. 1708

hujus generis aliis (qualia, Benevole Lector, ex hocce opusculo vidisti) sed omninò etiam, ad sublimiora & abstrusiora phænomena Ætherea contemplanda & detegenda, præstantissimis Telescopiis omninò opus esse; quæ quò fuerint excellentiora, eò majora & accuratiora obtinebis & perficies. Quamobrem omnibus quoque viribus ab ipso Observationum nostrarum initio hucusque, nullis sumptibus parcens, annexus sum, ut mihi quoque Tubos Opticos, quos possem, omnium exquisitissimos compararem, & qui argento non poterant, tandem manibus nostris atque sudore parabantur. Sic ut statim ab ipsâ adolescentiâ summâ curâ artem istam lentes expoliendi aggressus fuerim, eâque etiam, priusquam illam rectè didicerim, plurimum temporis consumpserim. Construxi autem eo tempore plurima Telescopia, tam in usum nostrum, quàm ut jubentibus & petentibus Mecænatibus, Fautoribus ac Amicis ea decenter offerrem, ac lubenti animo concederem.

Priora omnium, quæ adornavi, & quibus Observationes Macularum Lunarium peregi, longitudine sex & duodecim pedum tantummodò erant; deinceps successivè aliquantò longiora construxi, uti mox plenius percipiendum erit. Sed ut ad rem ipsam deveniamus, hâc vice non nisi commonstrare mecum constitui, quomodo Tubi illi in Speculâ ad Astra exponantur; meq; non minùs operam dedisse, Tubospicillis, quàm reliquis illis Instrumentis notatâ quædam digna, Rei Literariæ bono, suscipere ac perficere. Idcirco in gratiam Astrophilorum, remque ipsam ut eò dilucidius proponerem, primùm breviores Tubos 8, 12 & 20 pedum in adjuncto Iconismo exhibui; ex quo etiam absque omni ulteriori descriptione harum Mechanicarum Rerum licet mediocriter tantùm imbuti facile intelligant, quomodo quisque Tubus pro longitudine suâ construendus, adornandus, ac aptè est regendus. Attamen Tyronum Opticarum Rerum planè rudiorum gratiâ paucis omnia & singula attingam. Quò pariter elucescat, quâ viâ successivè hâc etiam in parte progressus fuerim, quomodo supellectilem nostram, Tubosque ipsos paullatim melioraverim,

ac

ut huiusmodi
etiam
omni modo
excellentibus
compararet
Tubos Opticos.

Auctor maximè etiam allaboravit, ut omni modo excellentes sibi compararet Tubos Opticos.

Plurimas lentes ipse manu suâ exposuit, construxit.

Quibus Telescopiis Maculas Lunares Auctor rimatus est.

Ut reliquis Organis Astronomicis, sic quoque Tubis nunquam non Observationes Auctor peregit.

Quâ viâ Telescopia regantur.

Adminicula Tubos quosvis commoventi & regendi

*gendi indies
perfectiora
reddita sunt.*

*Quale ful-
crum Aucto-
olim Tubis ad
movit.*

*Tubi aliquā
tō longiores
quomodo ad
Sidera expo-
nantur.*

*Quo Fulcimen-
to pro directio-
nibus Tuborum
adhucdum uti
poteris, si aptiora
Tibi haud
sunt ad manus.*

*Secundò, si
quando verò
Tubus quindecim
circiter pedum,
ut ad b patet,
est exponendus,
tum illum ligno
cuidam explanato,
ac partim ab uno
latere pro ratione
latitudinis &
rotunditatis
illius Tubi
excavato impono,
ac ligamentis,
ut in eo firmiter
undiquaq;
quiescere, ac se
minimè
pandare possit,
annecto.*

*Deinceps statumen
quadratum
lignum, ab uno
latere plurimis
foraminibus
quadratis in-
ditis, ad ratio-
nem videlicet
fellarum nostrarum
cesfilium, quarum
sæpiùs meminimus,
etiam pag. 228
Cap. XI descri-
psimus, huic
statumini, ad
Loricam nobis
usitato modo
affixo, aptatur
transversum
Fulcimentum
cesfile cum sua
offendice, ad
instar illius
sellæ versatilis,
cujus typum in
præcedenti
Iconismo
melioris
intellectûs
gratiâ
apposui-
mus; quod
Fulcimentum,
laxatâ
offendice,
nunc
attollitur,
nunc
demittitur,
pro
cujusvis
phænomeni
altitudine,
quo*

quo

quo

quo

ac indies convenientiora, eò promptiùs, aptiùsq; eos com-
movendi & regendi detexerim. Ne non Tu, aliiq; Rerum
Coelestium Metatores progressu temporis pariter annita-
mini, omnemq; ad ista omnia, à nobis hîc exhibita, adhuc
promptiora & absolutiora reddenda, moveatis lapidem:
quemadmodum nullus planè dubito, succedentibus annis
equidem inveniri quædam posse præstantiora.

Primò peculiare Fulcrum anno jam 1647 in Selenogra-
phiâ nostrâ pag. 40 exhibui; nimirum, quomodo benefi-
cio cujusdam sustentaculi, quatuor suis pedibus in Fulcro
decussatim ordinato insistentis, nonnulli Tubi, duodecim
pedes non excedentes, commodissimè ad Astra exponi, ac
quaquaversum in omni altitudine dirigi nonnequeant:
prout etiam principiò felici successu ad Lunam, Joviales,
Planetas, Fixasq; à me tentatum est. Simili penè modo
etiam absq; Pedestali Tubos illos direximus, imponendo
solummodò sustentaculum ligno cuidam tereti, quod lo-
co Fulcri ad Sepimentum, aut Loricam Speculæ tenacu-
lo quodam, cuneis ferreis adstricto, affigitur; sicuti ex Fi-
gurâ X ad *a* videre est. Quo Fulcimento pro directio-
nibus Tuborum adhucdum uti poteris, si aptiora Tibi haud
sunt ad manus.

Secundò, si quando verò Tubus quindecim circiter
pedum, ut ad *b* patet, est exponendus, tum illum ligno cui-
dam explanato, ac partim ab uno latere pro ratione latitu-
dinis & rotunditatis illius Tubi excavato impono, ac liga-
mentis, ut in eo firmiter undiquaq; quiescere, ac se minimè
pandare possit, annecto. Deinceps statumen quadratum
lignum, ab uno latere plurimis foraminibus quadratis in-
ditis, ad rationem videlicet fellarum nostrarum cesfilium,
quarum sæpiùs meminimus, etiam pag. 228 Cap. XI descri-
psimus, huic statumini, ad Loricam nobis usitato modo
affixo, aptatur transversum Fulcimentum cesfile cum sua
offendice, ad instar illius sellæ versatilis, cujus typum in
præcedenti Iconismo melioris intellectûs gratiâ apposui-
mus; quod Fulcimentum, laxatâ offendice, nunc attolli-
tur, nunc demittitur, pro cujusvis phænomeni altitudine,
quo

quo loco confestim immobile sponte suâ consistit, & quidem adeò validè, ac si funiculis illud statumini adstrinxisses. Huic nunc transverso Fulcimento cesfili imponitur Telescopium cum suo subjecto asfere, unâ extremitate lentem objectivam gerente; alterâ verò necesse est Tubi extremitas ut in scamno cesfili, duobus rotundis statumini-^{Scamnum} bus sive columnis striatis, suisque pericochleis adornato,^{cesfile.} quod suo loco, cum primis superiori Capite, nec non in Selenogr. nostrâ Cap. V pag. 101 jam plene descriptum, etiam in superiori Figurâ W delineatum dedimus, quiescat; quò dicta Tubi extremitas ad Observatoris oculum pro re natâ, beneficio utriusque pericochleæ paullatim elevari ac rursus deprimi, atque sic ad unguem convenientissimè ad quodvis objectum dirigi possit, & hoc modo Observatores aut commodissimè stando, aut sedendo, ope sellarum nostrarum cesfilium, Observationes quasvis peragere in manu habeant.

Corpus autem Tubi ipsum ex levioribus & subtilioribus plurimis tubulis ligneis tornatis constat, quorum posteriores partes, ad lentem ocularem extrahendo & immittendo, nunc pro quarumcunque lentium distantia prolongari, nunc abbreviari aptè possunt. Nonnunquam tamen etiam Tubi isti ex lamellis stanno superinductis conficiuntur, imò etiam ex chartâ crassiori, ut partes omnes eò promptius inferendo & eripiendo se se excipere, atque Tubi eò commodius coarctari & dilatari queant, tum portatu & translatu eò sint aptiores. Verùm hujus generis canales, si constant nempe ex talibus diversissimis tubulis cesfilibus atque partibus, hâc rursus incommoditate laborant, ut procliviter se inflectant ac distorqueant; unde radii visivi mirum in modum confunduntur, ut nihil quicquam accurati, ut ut lentes alioqui sint omnium præstantissimæ, deprehendatur, ob refractiones radiorum, quæ ex lentium distorsione introducuntur. Huic malo tamen subvenitur, si istis Tubis papyraceis, vel ex lamellis, & quidem diversissimis partibus diductilibus confectis, explanatum quoddam lignum, sive asferculum satis crassum pari longitudine

Constructio
nonnullorum
Tuborum.

integri illius Telescopii substernas, illisque annectas, sicque omnem tubulorum incurvationem & distorsionem optime evitabis, ut etiam omnium subtiliores canales secure admodum tractare valeas; hac tamen conditione, si Telescopia 15 vel 18 pedes non superent: secus profecto ratione asferis ponderosioris substrati minus fiunt tractabilia. Suafor ergo sum, ut alio modo dirigendi, nunc describendo utaris.

Alius modus Telescopia dirigendi.

Peculiaris sustentaculum tripedaneum cespile.

Tertio, in superiori Schemate ad *d* bene proceram phalangam, sive arbusculam itidem ad Loricam Speculæ eo loco, quo Observationes tum exposcunt, erexi, ad cujus verticem affixam vides trochleam, atque per eam funiculum requisitæ crassitudinis & longitudinis traductum; quo ad Tubum annexo, commodissime Tibi, quantæcunque etiam sit ponderis, dummodo non 18 vel 20 pedes excedat, eum attollere ac dirigere licet, sed adhibito certo quodam Sustentaculo, tripodi *e* inserto. Constructur autem hac ratione: ad lignum teres perforatum tria Fulcra in cardine volubili, uti ad *e* conspicitur, ad eò firmiter subsistendum, affigantur; deinde aliud lignum teres *f* aliquantò subtilius, trium vel quatuor pedum, armetur lamellâ chalybeâ dentatâ ab unâ extremitate ad alteram, atque sic foramini ligni illius robustioris, quod suis tribus pedibus innititur, inferatur; foramen autem hocce à fronte, seu parte superiori lamellâ explanatâ pariter perforatâ, adjecto sufflamine, munitum est, quò dictum sustentaculum, columellâ suâ longiori dentatâ trajectum, in quavis altitudine inhiberi, atque sufflamine seu offendice, ad dentes lamellæ longioris ligni teretis incidente, absque omni titubatione firmiter sustineri possit. Sustentaculum hocce itaque tripedaneum ad quamvis Telescopiorum directionem extrahendo diducere, & intromittendo, prout ex Schemate *e* patet, contrahere poteris. Qui modus dirigendi, ut ut videatur levioris constructionis, non usque adeò tamen ineptus est; cum Tubi Optici alioquin etiam graviores omni sede promptissime ac levisimè commoveantur (præprimis, si funiculum ad centrum gravitatis propè adstrinxeris) quin etiam in di-

to sustentaculo, in isto scilicet decusfatim columellæ ferratæ affixo ligno, suâ projecturâ gaudente, firmiter quiescant, nec non horsum prorsum regantur, immoto licet toto tripode. Quæ res cum sit pro instituendis Observacionibus admodum utilis & conveniens, haud dubito, quin hæc Tuborum directio nemini non Opticarum Rerum Cultori arrideat; præprimis, quoniam nec graviori, nec sumptuoso apparatu opus habet, sed facilimo negotio à quolibet comparatur.

Quartò, quando verò prolixiores Tubi ad phænomena adhibendi sunt, 25 videlicet 30 & 35 ped. aliam singularem haud ita pridem à nobis excogitatam Machinam adhibemus; cujus ope quosvis etiam Tubos procerissimos, maximiq̃ue oneris, multas licet manus poscentes, nullo ferè labore, unâ manu oppidò quàm levisimè & promptissimè attollere & dirigere in Tuâ habes potestate, imò procliviùs ac convenientiùs adhuc, quàm priores illos Tubos minores & longè leviores. Machinam autem illam, seu potiùs artificium illud (quod jure hoc nomine ob egregium ejus usum insignitur) pariter in præcedenti Designatione W, melioris intellectûs gratiâ, delineatum dedimus. Opus autem est, ut proceriorem & crassiorem paullò arborem ad Loricam Sepimenti, cum Tubus hicce aliquantò etiam sit prolixior & gravior, constituas, cujus atq̃ue trochlearum quarundam adminiculo Tubus attollendus est. Ipse verò canalis ex quatuor integris asferculis æq̃; latis, altisve constructitur, ut non nisi circa extremitatem ad oculû, ope alicujus tubuli diductilis, quemadmodum deinceps plenius, prolongari ac rursùs contrahi possit. Prætereà ad hunc canalem ligneum funem laxiorem *n b o* eâ ratione, ut vides, annecto, quò se inter elevandum ad *b*, ubi per trochleam ductus, extendere queat; hoc pacto enim Tubus, in duobus videlicet locis ad *n* & *o* ita adstrictus, minùs se incurvat, quàm si circa medium in uno solo puncto *x* fune simplici esset alligatus. Nam pars funiculi *n b* & *b o* sunt instar tenaculorum, ponderositati canalis subvenientium. Ad hæc, ad trochleam *b* annecte aliam trochleam *g*, pariter ad

Quosvis lægissimos Tubos dirigendi ratio.

Constructio
Canalis.

apicem arboris z , per quas alius funis aliquantò crassior ductarius duplicatò trajicitur, ut totum Telescopium eò procliviùs, leviùsque attollatur; quippe funis ductarius quò per plures orbiculos transit, eò minori potentiâ, docente Staticâ, pondus dirigitur.

Cùm igitur canalis hicce totus ex integris asferculis formâ quadratâ constructus sit, haud se se adeò facile inflectere potest; præprimis, quoniam ex duobus diversis ab invicem benè remotis locis, ubi vis major, funiculus $n b o$ annexus est. Hincque eodem canali semel ad libellam constructo, non est quod vereamur, successu temporis posse curvaturam aliquam contrahere, sed rectitudinem suam optimè nunquam non retinebit. Quia verò quodlibet Telescopium singulares suos ductus poscit, ideoque peculiarem tubulum m unius & dimidii penè pedis papyraceum, five coriaceum, annulo striato compositum, extremitati canalis r adstrinxi, quo scilicet tubulo plerunque duo convexa vitra aservantur (si nempe Telescopium ex tribus lentibus constat) major lens, & planior ad p , & minor gibbior ad q residet. Ne autem fractis ex improvise annulis spiratim striatis ad p & l , quibus ad canalem r tubulus hicce m adstrictus est, facile decidat, lentesque frangantur, quatuor ligamentis insuper coriaceis, ope totidem fibularum, dictum tubulum m ad canalem r alligavimus; quibus adjutoriis omnes casus fortuitos, tubulum, lentesque insertas frangendi abundè præcavimus.

Canali quadrato tubulus affigendus est.

Mensa Telescopica versatilis.

Telescopio itaque eatenus adornato, ac in altum sublato, opus etiam est Fulcro quodam; sed loco illius scamni statuminibus duobus erectis spirarum tortilium sculpturâ confecti b , atque tripedis e , aliam planè Machinam, five mensam Telescopicam versatilem adinvenimus; quæ quidem primâ fronte vix Tibi id promittere videbitur, quod re ipsâ egregiè, etiam in omnium maximis Tubis, licet centum & amplius pedes excedant, supra omnem spem Turam præstat. Ideoque meretur, ut ea ipsa mensa Telescopica quoad singulas partes plenè ac distinctè describeretur; verùm, cum præcedens Iconismus ob plurimas ibidem

jam

jam delineatas res diversissimas id minimè permittat, differamus id laboris in proximam Tabellam Y, & subsequens Caput XX, ubi eadem Machina, ejusq; totus apparatus dilucidius adumbrari, ac etiam consequenter plenius describi & declarari possunt. Nunc in genere tantum quædam, quantum permittitur, quò res eò clarius postmodum proponere liceat, delibabimus. Ex superiori itaque Icone manifestum est, super Tabulam vel Mensam, quatuor pedibus insistentem, sedeculam ex duobus erectis statuminibus super basin scilicet ligneam *t* esse erectam. Quæ sedecula inter duas securiculas in peculiari basi ligneâ mobilis est; utraq; enim basis cochleâ quâdam, per centrum trajectâ, ac pericochleâ superinditâ prius conjunguntur; deinde aliâ quâdam cochleâ perpetuâ *u* promptissimè horsum prorsum commoventur. Intra hanc sedeculam, inter illa nimirum bina erecta statumina quadratus ille tubus ligneus, exempto prius superiori tenaculo transverso, immittitur. Postea clauso rursus illo tenaculo, atque appensâ ad illud parvulâ trochleâ, duplici orbiculo gaudente, nec non alterâ planè simili ad Tubum *r*, funiculoque quadruplicatò per quatuor illos orbiculos ducto, annexoque pondusculo *s* ad extremitatem funiculi in promptu est, etiam omnium ponderosissimum, maximumque Telescopium (cùm in centro quasi gravitatis ad erectam arborem quiescat, ubi pondera vel minimâ potentiâ reguntur) quàm levissimè commovere. Id quod autem eatenus aggredimur: apprehenso scilicet sinistra manu funiculo *s*, atque dextrâ cochleâ perpetuâ *u* conversâ. Nam illo funiculo Tubum ex nutu tollere & demittere, cochleâ verò perenni secundum Horizontis ductum huc illuc deducere possumus; & quidem adeò promptè, leniter & velociter, ut motum ne quidem sentiamus, manente Tubo in quavis directione & altitudine protinùs immoto, absque omni vacillatione ac titubatione. Atque sic quodvis minutissimum objectum in momento deprehendes, ac assiduè quoque, quoad volueris, conservabis: id quod sanè maximis Tubis confestim deprehendere res magni est momenti. Hoc ipsum autem

*Constructio
Machina mo-
do dictæ.*

*Quâ ratio-
ne hujus Ma-
china benefi-
cio etiam o-
mnium ma-
ximi Tubi
quàm facili-
tè regantur.*

*Quo artifi-
cio quodvis
objectum in
oculi statim
ictu proceris-
simis Tubis
inveniamus*

*Adminicu-
lum hocce vi-
detur quidem
satis rude, sed
operi admo-
dum est con-
ueniens.*

eò procliviùs obtinendum, singulari invento, quanquam rudiori & planiori utor. Nimirùm tria vel quatuor subtilia ligilla explanata æque crassa unius pollicis, ac æque longa octo vel decem poll. ad superficiem tegumenti illius Tubi quadrati æque lati, ut ad y x & vv vides, cochleis affixi, quò illa ad ductum Tubi ita disponere possis, ne ulli, quando Tubus adimitur & aservatur, sint impedimento; in directionibus verò extrorsum cuspides versùs orthogonaliter convertere, ut minimùm ad sex, septemve poll. univèrsa ligilla promineant. Hincque, cum à Tubi latere dicta ligilla cuspidibus æquidistant, Tubusque ipse æque etiam sit latus, non nisi ad cuspides ligillorum vv x y uno oculo Stellam versùs, quam observare intendis, collineare opus habes (ac si essent certa Instrumentorum Pinnacidia ejus gratià affixa) Tubumque tam funiculo, quàm cochleà perenni eousque dirigere, donec omnes ligillorum cuspides cum Stellâ in eadem rectâ deprehendas lineâ; quo peracto Stellam ipsam in Tubo optimè habebis conspicuam, poterisque eam eousque, quoad volueris, in eo conservare, funiculi scilicet, cochleæque perpetuæ, ut suprâ monuimus, ductu ac regimine.

*Quâ ratio-
ne lens obje-
ctiva Tubo in-
seratur.*

*Vitra ocu-
laria peculi-
ari tubulo du-
ctuli asser-
vantur.*

Ad postremum admonendum etiam censeo, quâ ratione lens objectiva in hunc Tubum quadrangularem inserenda sit. Quò autem id eò commodiùs fieri possit, tegumentum Tubi ita adornatum est, ut pars quædam circa extremitatem inter y & n aperiri possit, quâ apertâ, cistella quadrata i , in quâ lens convexa k adminiculo quadrangularis asferculi excavati reposita est, intromittitur, & quidem ad debitam lentium distantiam; quam nisi in antecessum benè cognitam habeas, necessum est, ut intercapedinem illam huc illuc cistellam commovendo diligentissimè inquiras; secus profectò Telescopio illo nihil quicquam accurati administrabis. At vitra ocularia, uti monuimus, tubulo m inclusa sunt; tubulus verò hicce, priusquam canali aptatur, annulus benè largus ligneus l ad extremitatem exteriorem striis prominentibus tornatis foramini rotundo canalis ad r inferendus, ac quatuor ligneis claviculis, ne exeat, vel titubet,

bet, affigendus est; ut iste tubulus beneficio annuli sui, ad extremitatem *p* affixi, & à parte interiori (coronæ prominentis) spiratim striati, ad priorem anulum largiorem / canali aptatum convertendo adstringi, & postmodum, uti jam supra tetigimus, ligamentis illis quatuor coriaceis insuper annecti possit; ne impulsu aliquo facile dejiciatur, lentesque adeò pretiosæ, velut in illis longioribus, ac maximis Tubis requiruntur, frangantur. Et tantum quoque de mediocribus istis Telescopiis, eorumque suppellectili dixisse sufficiat; nunc majores nostros Tubos Opticos 50 & 60 ped. contemplemur.

CAPUT XX.

De Tubi Optici sexaginta pedum Constructione & Directione.

Quoniam ergò extra omnem sit controversiam, longiora Telescopia, si hac cognitâ ratione optimè sint constructa, tum lentes eorum debitam & absolutam obtineant sectionem, nec non inter se probè combinatæ, plus circa Observationes posse, quàm breviora. Ideoque nihil ferè à plurimis annis habui potius, nullis planè sumptibus parcendis, ut non solum nonnulla hujus generis excellentiora manu nostrâ, sed quoque operâ aliorum præstantissimorum Artificum confecta mihi compararem: ut adeò diversissima, tam 30 40 50, imò 60 70 & 140 ped. longa Tubospicilla non leviori sanè labore ac pretio, tam duabus, tribus, quatuor, quàm quinque lentibus convexis auspiciatò obtinuerim. Quæ quantæ sint virtutis, & quid in detegendis Cœli phænomenis efficiant, non est res hujus loci pluribus commemorare; cum Observationes ipsæ abundè satis loquantur. Famâ quidem traditur, tantæ longitudinis Tubos Opticos 60 & 70 pedum passim inveniri; sed, quousque mihi innotuit, si summum duos excipias, vix alii quidam, commodissimis regendi adjutoriis instructi, ad Astracum fructu aliquo & successu hucusque sunt adhibiti, nec etiamnum adhibentur: plerique eorum non nisi 17 20 30 & 36 sunt

Auctor maxime operam dedit, ut sibi omnium præstantissima compararet Telescopia.

Longissimi Tubi Optici 60 & 70 ped. non ubique sunt obviam.

sunt pedum, sive 36 45 vel 54 palm. quibus Astrosophi Sidera contemplantur ac scrutantur.


Quales Tubos sive canales, qualemque apparatus ad directionem Astrorum construxerit.

Structura ipsius Tubi 60 pedum.

Quomodo Tubi partes combinanda sunt.


Elaboratis itaque ac comparatis ejusmodi probæ notæ lentibus 50 60 70 ped. ut modò dicebam, operam quoque dedi sedulam, quò mihi pariter convenientissimos Tubos, sive canales, tum aptissimam construerem Machinam; & quidem tales, quos commodè unius aut alterius auxilio sine magno labore, molestiaque in superiori ædium mearum Observatorio exponere, regere & dirigere liceret. Quod ut eò promptius succederet, benè crassam & proceram arborem, more solito, ad Loricam Sepimenti erexi, cuneisque suis ferreis adstrinxi. Tubus verò ipse, prout Anglis, ni fallor, usu etiam venit, ex duabus partibus, atque gracilioribus asferculis abiignis constat & componitur; in reliquo verò apparatu haud parum discedimus: cum ipsa praxi, rem aliquantò promptius & convenientius tractari posse,prehenderim ac didicerim. Quælibet autem quadrati hujus canalis pars 30 ped. constat, ab *a* videlicet ad *b*, vel à *b* ad *c*; latitudo verò interior est novem ferè pollicum, & quidem ab unâ extremitate ad aliam æqualis. Præterea à parte interiori, in distantia scilicet trium, vel summum quatuor ped., asferculi quadrati largo foramine lateribus ad angulum normalem validè agglutinati sunt; tam ad Tubum eò firmiùs corroborandum, quam lumen superfluum ab Observatoris oculo prohibendum.

Cæterum, hæ duæ Tubi partes necesse est ut debite jungantur, & quidem adeò exquisitè ad libellam, ne vel minimam patiantur curvaturam; secùs profectò Tibi per singula interiora foramina neutiquam rectà transpicere licebit. Proinde robustissimam cistam ex crassiusculis asferibus itidem abiignis, formâ quadratâ oblongam octo vel novem penè ped. fieri feci, ac circumcircuità prævalidis tenaculis ferreis, ne se se vel quicquam dilatare, nedum dehiscere, aut disrumpere queat, muniri curavi. In hanc cistam *d* appositæ Designationis *Y*, utriusque partis alterâ extremitate inseritur; sed necesse, ut canales omnimodè exquisitè cistæ sint aptati ac adæquati, ut nihil quicquam in



A Stock delin. Fig. Y.

J. Saal Sculptor.



Faint, illegible text, possibly bleed-through from the reverse side of the page.

Y. P. ...

eâ vacillent ac titubent, sed ab omni parte, quousque cistæ immisfi sunt, strictè adhæreant. Deinde canales isti, in cistam immisfi, operculo *ff*, cui insistit statumen *l*, duobus anteridibus roboratum, ut situm suum erectum orthogonalem validè conservet, teguntur, simul quatuor ferreis robustissimis repagulis ad ipsam cistam *d*, ad miniculo quatuor illorum tenaculorum (quibus cista, ut supra dicebam, est munita) ac octo cuneorum itidem ferreorum, ut binæ illæ Tubi partes nequaquam disjungi, nec separari, nec se commovere ullo pacto possint, firmissimè constringuntur.

Ad extremitatem statuminis *l* orbiculus, circa axem volubilis, super quem rudens ducitur, insertus est, cujus altera extremitas ad *b* tenaculum ferreum annectitur; ad alteram verò extremitatem *i* cochlea benè robusta alligata est, quæ in pericochleam sive thecam *k*, ab interiori parte spiratim striatam, ad unicum appensam inferitur, & eò usque, donec rudens *h l i* valenter sit extensus, convolvitur; eo quidem fine, quò totus Tubus ad lineam omninò rectam deduci, ac in rectitudine firmiter conservari nonnequeat. Nam, nisi hunc rudentem eâ ratione Tubo huic 60 pedes longo applices, nullo profectò successu elevatur, regitur & dirigitur, sed è contrario facile evidentem contrahit curvaturam, ut nequaquam transpiciendi detur facultas, licet ex robustissimis aseribus canalis iste sit combinatus, si nimirum solummodò circa medium *p* suspendi debeat; imò, ut facile intelligitur, prorsùs frangeretur.

Quò autem è vestigio non nescias, an Tubus in lineâ planè rectâ consistat (etiamsi non transpicias) atque in directione nec in excessu, nec defectu pecces; ideoque quatuor vicissim ligilla (ut in superiori illo Tubo 20 ped. factum est) ejusdem omninò longitudinis ad canalis tegumentum cochleis *m m m m* affixi: quorum cuspides nisi prorsùs in lineâ rectâ reperiantur, Tubum se se incurvare certum est indicium. Hincq; rudens beneficio cochleæ striatæ *i k* aut laxandus, aut constringendus; laxandus quidem, si duo ligilla extrema reliquis duobus intermediis altiora videantur; rursùs constringendus, si extrema duo humili-

Tubi extremitates rudente cōstringuntur.

Quomodo cognoscas, Tubum esse in lineâ rectâ omninò extensum.

Esti incurvetur, quomodo rectificanda.

ora existant; atque hoc pacto totum huncce Tubum, five Machinam hanc gravissimam, ut ut ad 20 ped. longior esset, ad libellam usque ad exemplū rectificare ac dirigere datur. Fundamentum hujus rei quilibet Mechanicus facile intelliget; nimirum statumen l , cistæ firmiter insistentis, multum huic directioni tribuere. Nam, dum Tubus ad b & k attrahitur & elevatur, pars intermedia b , ut eò proclivius totus canalus ad rectitudinem redigatur, ope statuminis l deprimitur. Sed momentum in eo positum est, ut longitudo statuminis l conveniat Tubo, & præprimis distantia $b k$, tum extremitates rudentis b & i debito loco ad canalem sint affixæ. Etenim nisi hæc omnia benè observes, omnis labor erit frustraneus, & non nisi maximo labore, tœdioque totum Tubum gubernabis.

*De anginâ
canalis.*

Porro, conjunctis itaque his duabus Tubi partibus, nec non rudente $b l k$ super statumen, ejusque orbiculum l debite ducto, ac sufficienter extenso, mos mihi olim erat, priusquam canalem attollerem, ut prius anginam n , ex duobus ligneis statuminibus ac robustissimo ferreo tenaculo incurvato constructam, fortissimo axi ferreo, cistæ d subjacenti, applicarem; eâ gratiâ, ut totum Telescopium, beneficio hujus anginæ sive trutinæ, ejusque annuli volubilis, fune posset attolli. Nam, ut rem rectè concipias, totus Tubus est quasi scapus, & l statumen erectum examen bilancis, sicque n angina est. Atque hæc ratione hunc procerissimum Tubum instar bilancis (cùm in æquilibrio pariter ad axem d quiescat) promptum Tibi erit, quàm promptissimè ac levisimè, dum elevatus est, regere ac dirigere.

*Tubus hinc
cum lance
comparatur.*

*Angina in
quibusdâ ob-
servationibus.*

Quæ elevandi & commovendi ratio haud quidem adeò est absona; sed certâ tamē quâdam incommoditate, Observationibus valdè inconveniente, laborat: nimirum, cùm angina hæc n necessum habeat, ut sit decem ped. alta, ut examen bilancis l , quod minimum novem ped. æquat, liberè per illam se se agitare possit, hincque nullo tempore totum Telescopium non nisi ad annulum n , & superiorem anginæ partem attollere licet, donec scilicet trochlea superior, extremitati

tremitati arboris appensa, cum annulo *n*, vel ejus appensa trochlea se se attingant; sic ut totus Tubus ad 12, imò 15 pedes minùs in altum deduci possit: atque sic eà ratione phænomena vix ad 30 Grad. alta, licet arbor satis sit alta, observare possimus. Adhæc, quia ipsa angina ex crassiori robusto ligno, tum multo ferro munita constat, totam Machinam, quæ ex suâ ipsâ constructione maximum jam pondus habet, mirè insuper aggravat.

Quocircà omnibus modis, ut hanc anginam *n* à Tubis prorsùs removerē, annixus sum; quemadmodum etiam aptè à nobis, & quidem planiori & faciliori viâ, præstitum est. Loco nempe anginæ hujus pōderosissimæ ac molestissimæ *n* frustum rudentis crassioris, ad utramq; extremitatem fibulas ferreas, ut ad *o* conspiciere est, firmissimè alligatas habens, axi *d* applicui & affixi, nec non orbiculo, ne axe ullo modo decidat, benè prospexi; postmodùm huic breviori rudenti *o* trochleam uno orbiculo *p* adstrinxi similem, ut ad extremitatem arboris *q* annexi; ducto itaq; per utramque trochleam *p* & *q* fune ductario, poteris æque procliviter & convenientissimè Telescopium istud attollere, demittere, ac si anginâ *n* utaris, & quidem hâc commoditate singulari, quòd Tubum multò altiùs ad plurimos Gradus elevare possis, cùm funem eò usque, donec utraque trochlea *p* & *q* se se mutuò excipiant, ducere valeas; id quod verò anginâ, quæ adeò ad decem, undecim pedes in altum exsurgit, haud conceditur: prætereà solo hoc rudente breviori *o* ipse Tubus longè ad plures libras levior, tractabiliorq; evadit, quàm si anginam adhibeas.

Cæterùm, arbor sive columna, qujus ope Telescopium elevari debet, necesse est, ut sit satis robusta, quò oneri sufficiat; longitudo ejus ad 60 70, imò 100 ped., si suo semper loco conservaretur, excurrere posset, inprimis, si circa Speculæ centrum immota assiduè consisteret, spatiumque adeò esset amplum, ut Tubus circa arborem cum omni apparatu circumduci posset. Atverò, cùm Specula nostra in summitate ædium nostrarum exædificata supra centum pedes non excurrat, haud potuimus circa medium ejus arbor-

Remotâ anginâ Tubus longè altiùs attollitur.

De arbore, cujus beneficio Tubus hic elevatur.

*Arbor ad
singulas Ob-
servaciones
denuò erigen-
da, & cum
omni appara-
tu instruenda
est.*

*Telescopiis
proceris
Observatio-
nes instituere
est res alicu-
jus laboris.*

*Quà ratio-
ne convenien-
tissima Spe-
cula pro Tu-
bis longissimis
extrui possit.*

rem collocare, sed solummodò ad Loricam Sepimenti, ne reliquis Instrumentis Tubus hicce esset impedimento, tum prospectum præpediret. Ideoque ita omnia adornare coactus sum, ut quovis tempore, singulisque vicibus, quando Observaciones Tubo isto instituendæ forent, commodè suo loco arborem transferre, & ad Loricam Speculæ affigere possem; dein, expeditis Observationibus illam rursus adimere, atque cum funibus, trochleis, totoque apparatu suo loco debitè conservare. Id quod etiam percommo- dum accidit. Nam si arbor illa perpetuò eodem loco permaneret, brevissimo tempore & funes & trochleæ ex tempestate aëris corrumpentur; quippe, quis quæso eò ascenderet, ac in singulis Observationibus superiorem trochleam cum fune ductario tanti ponderis relaxaret ac adimeret, rursumque in singulis Observationibus adstringeret. Largiendum quidem, multum sanè laboris esse, tantæ magnitudinis Tubum ex cistâ suâ, quâ aservatur, toties producere, utramque partem adminiculo tenaculorum & repagulorum conjungere, fune superintenso munire, arborem tantæ molis ad Loricam Observatorii erigere, suis funibus ductariis, trochleisque instruere, succulam decusato manubrio volubili pro sustentandâ Machinâ adornare; deinde peractis Observationibus omnia rursus relaxare, adimere, ac quodlibet suo loco deducere & aservare: nihilominus tamen, qui Rebus Cœlestibus student, vix hæc evitare valent, ut ut privato alicui, ob nimios sumptus erogandos, sit maximè molestum & damnosum.

Si aliquis Magnatum ac Principum sumptus hanc in rem suppeditaret, utique haud grave foret, singularem & convenientissimam Speculam adornare, licet Telescopium ad 150 pedes excurreret, quò arbor, cujus ope Telescopium aliàs erigitur, perpetuò suo loco subsistere, funes ductarii cum suis trochleis semper affixi ab eo dependere possent, & quidem immunes ab omni aëris intemperie; pariter Tubus ipse omni tempore omnimodè conjunctus & instructus cum toto apparatu præstò esset, quin etiam, quod præcipuum, in eo ipso loco, quo attolli, ac ad Sidera exponi debeat;

beat; ut minimè opus habeamus, multorum Virorum ope de loco ad alium deportare, nec eum disiungere, omnemque supellectilem restringere, suoque loco deponere; sed semper, quoties libeat, Telescopium protinùs attollere, ac quorsum quorsum volueris dirigere, tum quidem absque magno labore & molestiâ. Verùm, proximo Capite ex composito, Astrophilorum gratiâ, qui convenientiorem modum necdum excogitarunt, hâc de re acturi sumus. Indubitatum sanè est, singulare adminiculum fore, tum nemi-

Maguâ molestiâ liberamur, si ejus modi Speculâ frui daretur.

ni non Astronomiæ Cultorum gratisimum, maximamque molestiam posse ita evitari, si singulis vicibus Telescopium tanto labore, tamque operosè, tantoque temporis dispendio non esset priùs instruendum; sæpiùs, crede, ad tales Observationes accederemus, si nempe omni tempore Telescopium omnimodè in statione expositum, & ut non nisi oculi, manusque ad Tubum admovendæ essent, in procinctu haberemus.

Sed ut revertamur ad columnam, sive arborem nostram, Tubum sustentantem, cujus proceritas tanta, quanta nobis huic Telescopio sexaginta ped. sufficere visa est, tum ut eam, trium vel quatuor virorum auxilio, ad Loricam Sepimenti erigere, affigere, restringere ac deponere possimus. Hæc, inquam, ad Loricam, ubi ubi volueris (cùm ab omni Cœli plagâ locus ei negotio accommodatus est) incurvato tenaculo *r*, certisque repagulis validissimè adstringitur; deinceps chilonia, ex ligno exstructa, in quâ succula circumagitur, ad arborem istam transversè, & ad Loricam, ut ad *s t* videtur, pariter affigitur. Quò autem hæc chelonia unâ cum suâ succulâ decusato manubrio eò firmiùs subsistat, subscudem, sive anteridem ferream renitendo subjeci sive substruxi, atque ad arborem suis cuneis ita obfirmavi, ne circumactione succulæ, funiumque ductariorum attractione (quanquam Tubus sexaginta, sive septuaginta ped. unius hominis robore elevetur) chilonia & succula *s t* vel se se incurvent, vel prorsùs frangantur, sed leniter circumagi, atque sic Tubus ipse ope funis ductarii molli articulo in altum deduci nonnequeat. Quando verò Telescopiũ nunc debitam

Arbor ad Loricam Sepimenti adstringitur.

Tubus quomodo elevatur ac sistitur.

altitudinem obtinuit, fune aliquo *vv* ad partem inferiorem arboris loco sufflaminis alligato, planè sistitur, annectendo nempe funem istum decusfato manubrio succulæ; sicque tota Machina, ut ut sit ponderosissima, adeò firmiter omninò sufflaminatur, ut ne quidem minimùm cedere, multò minùs decidere, vel jacturam facere aut accipere ullo modo possit. Id quod profectò necessariò etiam requiritur, ut planè tuti simus in ejusmodi Observationibus tantà Machinà peragendis. Nam in rebus tanti momenti, & tam pretiosis lentibus conservandis (quæ valdè carè æstimantur, & quas grandi pecunià mercamur) summoperè opus est, ut omnem jacturam probè præcaveamus, imprimis, ne aliquis Observatorum vel Spectatorum ex improvìso lædatur, imò planè interimatur. Tanta enim moles si de subito ex alto decideret, quicquid offenderet, frangeret, perimeret. Quò autem eò plenius dictam cheloniam *s*, in quâ volvitur succula, quadrifido radio volubili *t* contemplari possis, ea omnia in superiori Tabellâ præcedentis Fig. Y sub ampliori aliquâ Designatione Tibi ob oculos ponere volui. Ex quâ facilè patebit, quomodo chelonia *s* exstructa, quâ ratione succula *t*, sive jugum ligneum cum suis vectibus chelonix transversim, obnitente anteride, imponatur. Præterea etiam cochleam illam *i*, cujus supra meminimus, nec non ejus thecam *k*, à parte interiori spiratim striatam ibidem apponere placuit, quò ei, cui fortè aliquando interesset, dilucidè omnia proponerem. Et tantum nunc de Tubi hujus sexaginta, vel septuaginta pedum constructione, connexionione, intensione & omni apparatu, quo attollitur ac demittitur, dixisse sufficiat. Nunc ad ejus directionem descendamus, quâ nimirum ratione quàm promptissimè ac levisimè regatur, ac quaquaversum dirigatur: an uspiam alibi quisquam convenientiorem adhuc Machinam cum tempore sit excogitaturus, tempus docebit; hucusque, ut omnis mecum fatebitur, nemini adhuc tale quicquam in mentem venit, nec illam operi admovit, ut primus planè sim (absit jactantia) qui Machinamentum hocce Telescopicum construxerim, atque ad usum transtulerim.

*Machina
tractatoria.*

*Cochlea ad-
striatatoria.*

*Modus Te-
lescopia diri-
gendi.*

Prius-

Priusquam autem Tubus hicce fune ductario attrahatur ac elevetur, necessum habes, in extremitate præcedentis Tubi operculum istud inter *c* & *b* laxare & aperire; quò cistellam *x*, lentem objectivam *y* ferentem, debito loco secundum requisitam lentium distantiam reponere possis. Nam, nisi vitrum objectivum rectè constitueris, profectò, si in primis duo ocularia simul adhibenda, parùm admodum efficias; quandoquidem distractione & immissione tubulorum ζ non usque adeò accuratè lentis objectivæ intercapedinem obtinebis: sicuti nemo non hujus Artis peritus ultrò agnoscet. Postea, insertà scilicet hâc cistulâ cum suâ lente, eâque, ne loco debito discedat, benè obfirmatâ, tubulum ζ duabus cicutis, sive duobus ductibus ex chartâ & corio superindito compositum adstringo canali cochleâ suâ intrinsecâ, ad annulum scilicet canali insertum, & ab exteriori parte spiratim striatum γ , cujus jam Capite superiori XIX, pag. 388 meminimus. Ne autem annulus hicce canali exeat, atque totus tubulus cum suis lentibus decidat, lentesque frangantur, quatuor ligneis clavis, per canalem trajectis, eum confirmavi, simulque quatuor ligamentis coriaceis ad fibulas adstrinxi: sed antequam tubulus iste ζ ad canalem adstringitur, inserendæ prius sunt istæ binæ lentes oculares in istum tubulum; major & planior ad miniculo annuli δ & α , minor verò & magis gibbosa ad β ope ejus tubuli.

Vitrum objectivum debito loco apponatur.

Tubulus duabus cicutis.

Totam autem Tubi Optici Machinam, cum omni suo apparatu, remotâ mensâ versatili Telescopicâ regere & dirigere, res sanè est multi laboris & operæ; tale nempe vastissimum & ponderosissimum Instrumentum liberâ manu absque omni adjutorio continuò commovere, atque in eodem semper puncto conservare. Unde per plurimi ab ejusmodi Observationibus, ope longissimorum Tubospicillorum sæpiùs suscipiendis, omnibus modis fuerunt deterriti. Nam, ut mihi quoque accidit, id quod maximo negotio nonnunquam inventum, uno oculi ictu rursùs perditum est. Quare nihil potius habui, quàm ut huic inconvenienti medelam afferrem, mensamque Telescopicam versati-

Absq; Mensâ Telescopicâ maximi Tubi vix reguntur.

versati-

versatilem adinvenirem, cujus adminiculo ex voto & ad nutum unicuique Observatorum licet peragere omnia: prout ipse, re probè exploratâ, sine dubio fateberis.

*Constructio
Mensæ Tele-
scopica.*

Mensam itaque hanc Telescopicam, quò totum artificium eò clariùs pateat, sub aliquantò ampliori figurâ in præcedenti Delineatione Y delineatam dare placuit. Inferius corpus ipsum quâ ratione & ex quibus partibus sit compactum, qualibus fulcris, transtris, retinaculis & transversariis coadunatum, ex Schemate abundè patet. Tabulæ medio hujus Mensæ ferrum quoddam laminatum peritiale dentatum ξ secundum longitudinem ab unâ extremitate ad alteram immisi, cochleisque firmiter affixi. Ad utrumque Tabulæ marginem duos canthérios $\varepsilon\varepsilon$, striâ confectos, ut vides, reposui, ac pariter cochleis annexi; quò asfamentum satis crassum, ab utroque latere projecturâ instructum, in cantheriorum striis horsum vorsum commoveri posset. Cùm autem asfamentum illud η nudâ manu, in primis, si onus insigne quoddam sustinere debet, haud convenienter, nec adeò facilè regatur; idcirco ad latus asfamenti η posticû, quod tabulæ incumbere debet, cochleam perennem satis crassam, longamque suo manubrio volubili confectam, ope duarû fibularum, quæ instar cheloniarum essent, in quibus circumvolveretur, non decussatim, sed transverso situ respectu axis striati affixi. Quæ cochlea perpetua cùm suas strias, ut patet, habeat, atque vectis ille ferreus in medio tabulæ incedens suos dentes, oportet necessariò, asfamento scilicet hocce η cum cochleâ suâ huic trabeculæ ferreæ denticulatæ imposito, atq; canthériis suis $\varepsilon\varepsilon$ adstricto, ut striæ cochleæ perennis θ dentibus illius axis ferrei striatis ξ morsicatim se se implicent, ac se se mutuò excipiant, mordeantque, sic ut dictæ cochleæ circumvolutione & regimine asfamentum illud η omninò secundum tabulæ ductum, & quidem promptissimè ac lenissimè cessim procedere cogatur. Dein aliud asfamentum μ , ejusdem ferè magnitudinis & figuræ, ad similitudinem η construxi, & quidem suis projecturis, quò asfamento η aptè conjungi, eiq; inferi possit; in quo bina statumina $\lambda\lambda$,
longi-

*Totum ferè
artificium in
unâ solâ coch-
leâ perenni
latet.*

*Virtus coch-
leæ perennis.*

longitudine penè quatuor ped. erexi, & transversario γ connexi, tanto autem spatio inter se remota, ut canalis quadratus commodè inter hæc bina statumina intromitti possit. Quibus peractis, sedecula tota $\mu \lambda \gamma \lambda$ ad ligneam basin η cochleâ quâdam, per centrum trajectâ, primùm constringitur, ut aptè projecturis suis intra strias η circummoveri, ac ita etiam immotâ mensâ Telescopicâ sedecula nihilominus conversione canalis sese accommodare queat; quando nimirum Tubus obliquiori aliquo situ, respectu mensæ, directus est. Deinceps tota hæc sedecula cum utrâque ejus basi μ & η mensæ imponitur, & intra illas securiculas $\varepsilon \varepsilon$ eo modo aptatur, ut convenienter cochlea illa perpetua θ axi denticulato ξ , per medietatem tabulæ transienti, optimè conveniat, ac muto morso dentes axeos ejus corripere valeat. Postmodum tenaculum transversum γ adimitur, Telescopium verò in sedeculam intra illa bina statumina $\lambda \lambda$ immittitur, atque tum, clauso rursus illo tenaculo γ , trochleola duplici orbiculo ibidem appenditur, nec non alia similis trochleola ad π canalē unco suo ad annulos ibidem affixos, quorum plurimi inveniuntur, annectitur, & quidem eo loco, quo ratio ac commoditas id poscit. Rursus per hæc binas trochleolas ducto quadrificato funiculo directario, eique appenso pondusculo duarum scilicet vel trium summum librarum, pro gravitate videlicet integræ Machinæ regendæ, totum artificium, quod ad commotionem & directionem Telescopii alicujus sexaginta vel septuaginta pedum omnimodè requiritur, confectum habes & adornatum.

*Sedecula
Mensa Telescopica.*

*Usus hujus
Machina Telescopica.*

His itaque omnibus eâ ratione dispositis, totam illam mensam Telescopicam, unâ cum immisso & affixo operinarum trochlearum Telescopio, ad partes phænomeno observando obversas transportare jubeo; id quod facilitate negotio etiam peragitur, cum Tubus in centro gravitatis omninò circa ipsius medium & æquilibrium pendeat, ubi alioquin omnium gravissima onera quàm levisimè commoventur. Proinde Tubus, rudiori Minervâ vel attrahendo, vel laxando fune ductario præcipuo, tum conver-

*Quomodo
Telescopium
in Mensâ Telescopicâ
regatur ac dirigatur.*

tendâ cochleâ gubernatrice θ , mensæ Telescopicæ adhaerente, beneficio illorum quatuor ligillorum *m m m m*, ad tegumentum canalis affixorum (prout jam paginâ 390 & paginâ 393 diximus) dirigitur, quò objectum vel phænomenum, quod desideras, ipso Tubo excipere, atque ita istud per lentes optimè conspiciere possis. Modus quidem iste per planissima talia ligilla Tubum dirigendi quamvis ad Stellam minimam valdè admodùm videatur rudis & gregarius, sed, crede, re ipsâ experieris, accuratiori artificio haud opus hîc esse. Quod si tamen subtilius aliquod desideras, loco ligillorum affige Tubo aptâ quædam Pinnacidia, atque tum horum ope dirige Telescopium; sed dubito, licet sint subtiliora adminicula, an promptiùs & citiùs Stellam deprehendes; contra verò certissimum est, longè faciliùs uno etiam leviori ictu Pinnacidia illa subtiliora depravari posse.

Nonnunquam rudiori aliquâ ratione res nonnulla æque accuratè, ac aliâ quâdam longè subtiliori, & anxie quæ sitâ expediuntur.

Hæc Machinâ Telescopicâ promptissimè & convenientissimè omnes Observationes peraguntur.

Quomodo hoc nostro artificio omnis motus Corporum Cælestium evitari possit.

Sed ad ipsam Observationem instituendam ut redeamus, nonnescias velim, quòd quasvis Observationes in quocunq̃ue situ & elevatione commodissimè vel stando, vel sedendo ope nostrarum sellarum cesilium peragere (quemadmodum ex superiori Iconismo satis superq̃; liquet) tum Tubum ex voto promptissimè & lenissimè, absque omni labore & molestiâ, regere & dirigere possis; sinistra videlicet manu apprehenso funiculo, ejusque pondusculo *e*, dextrâ verò cochleæ perpetuæ manubrio θ , funiculum nimirùm attrahendo vel relaxando; cochleam verò convertendo & retorquendo, manente semper Telescopio in quovis situ prorsus immoto, absq̃; omni ulteriori commotione & titubatione. Hæcque ratione, etiamsi quævis stella, ac quodvis Cæleste phænomenum diverso gaudeat motu, nunc proprio, nunc diurno, modò secundùm longitudinem, modò altitudinem; nunc ortum, occasum, nunc Austrum & Septentrionem versùs, nihilo tamen feciùs, ut ut motu feratur velocissimo, proclivissimè tamen quodvis objectum in centro Telescopii, vel potiùs lentium exactissimè, quoad volueris, funiculi scilicet illius & cochleæ perpetuæ directione, & continuâ agitatione conservare poteris.

poteris. Etenim, si phænomenum magis ac magis in altum vergere & ascendere deprehendis, Tubum paullulum demitte, funiculum parumper laxando; sin descendit, attrahe funiculum, protinùs phænomenum ad priorem locum rediges & deduces; & licet manum de funiculo planè tollas, nihilominùs Tubus in eo positu firmissimè consistet; cùm pondusculum planè totius Machinæ gravitati respondeat, atq; eandè asfiduè in omni elevatione, ut ne minimum quidem nutet, validè conservet. Rursus, si phænomenum ad ortum tendit, contorque vel constringe cochleam perennem dextrorsum; si verò ad occasum excurrit, retorque illam sinistrorsum: atque ita exactissimè ad unguem omnem motum phænomeno eximes, illudque perpetuò immotum quasi in Tubo sustinebis & servabis: prout quilibet ex ipsâ praxi facilimè addiscet. Quæ Telescopium dirigendi ratio quàm jucunda sit, & Observationibus ipsis quàm convenientissima, alii, rem quando ipsi aggressi fuerint, fatebuntur. Nam licet à Tubo discedas, phænomenumque eo elabatur, rediens tamen adminiculo ligillorum, cuspidibus scilicet illorum universis in unâ eadem rectâ ad objectum directis, illicò Telescopium restituere, stellamque vel minimam ad lentes deducere poteris; ut etiam omnes harum Rerum rudiores, & Observationibus prorsùs inasfueti maximâ cum voluptate & jucunditate quodvis phænomenum, ut ut sit velocissimum, confestim assequi, Tuboque ad satietatem detinere queant. Ita ut Mensa hæc nostra Telescopica versatilis insigne pro quibusvis, etiam omnium longissimis Telescopiis sit adjutorium; sine quibus sanè, quomodo ejusmodi vastissimæ Machinæ pro lubitu & necessitate convenientissimè, & adeò exquisitissimè regi & dirigi possent, non video.

Tubus ad quodvis objectum immotus sæper subsistit.

Auctori videtur, hanc dirigendi rationem non adeò esse ineptam.

CAPUT XXI.

De Telescopio nostro maximo.

Cùm abundè nunc tandem exploratum sit, quantum plurimis Observationibus Cœlestibus, Rei Literariæ bo-

Plurimi hæc arate incumbunt,

*bunt, ut indies
præstantiora
conficiant Te-
lescopia.*

*Quare lon-
gissimi Tubi
adeò rarò ha-
Etenus ad Si-
dera adhiberi
suerunt.*

*Ad costru-
endam Ma-
chinam pro
Telescopiis
longissimis Ill.
Burattinus
Auctor è præ-
cipuis exci-
tauit.*

*Talem con-
struere Ma-
chinam est pro-
fecto alicujus
laboris.*

no instituendis contribuunt præ aliis exquisita & perfecta Telescopia. Hincq; nemo non Astrophilorum ac Opticorum nihil habet potius, quàm ut indies perfectiora, insuper & longiora conficiat, construatq;. Longiora tamen sexaginta vel septuaginta ped., quod sciam, ut ut lentes pro longioribus Tubis hinc inde fortè expoliverint, feliciter, & cum aliquo successu ad Sidera hætenus vix ullibi exhibita fuerunt. Eà de re, quòd hucusq; nondum convenientem Machinam, Tubumq; pro inferendis lentibus adinvenire & componere potuerint, & quidem talem, qui omni commotioni & directioni expedite pareret, ac Observatoribus minimè esset mole suà molestus. Imò plurimi Eruditorum, hoc ipsum adeò faciliiori viâ detectum iri, penè desperarunt; nihilo tamen seciùs spem omnem minimè abjeci, sed amplissimam ejusmodi Machinam, Favente DEO, pro ferendis lentibus centum, imò centum quinquaginta pedum utiq; elaborari, atq; ad usum commodum transferri posse, planè sum confisus. Ad quod opus suscipiendum inprimis Illustr. Dn. Titus Livius Burattinus, ut Rerum Mechanicarum omnium, sic & harum Opticarum Peritissimus, & Exercitatisissimus me maximè inflammavit: cum non solùm lentes, manu suà expolitas, pro Telescopio centum quadraginta ped. promptissimè promiserit, sed etiam brevi post liberali animo exhibuerit. Initiò tamen, rem istam plurimas habere difficultates, optimè me prævidisse fateor. Etenim, si negotium aggrederer superiori viâ, construendo videlicet canalem quadratum ex quatuor aseribus, atq; ex quatuor partibus conjungendis, quamlibet licet quadraginta ped. longam. Istæ quidem partes singulæ, largior, tam antè detecto, quàm alio adhuc diverso modo coadunari, atq; beneficio quarundam cistarum ac funium ad rectitudinem deduci possent; si quis nimirum haud vulgares sumptus, nec singularem potentiam ad Machinam componendam & regendam non vereretur. Verùm sedecim aseres quadraginta ped. longit. sufficientis crassitie & latitudinis, unà cum tribus adeò robustissimis cistis, quindecim minimùm ped. longis, tanto ferro

ferro munitis, nec non tot funibus, trochleis superadditis, tantoque apparatu, quantæ, quæso, essent molis, quanti laboris & operæ, ea omnia conjungere, ad lineam rectam deducere, elevare, commovere, atque in suo semper situ & rectitudine conservare?

Idcirco prævidens hanc insignem molestiam, negotium hocce aliâ planè singulari ratione tentavi, nimirum, ut ejusmodi Machinam pro lentibus centum quadraginta ped. ex octo tantum, & quidem multò arctioribus & subtilioribus asferibus abiegnis construerem; quæ Machina ut esset sic levior, ita pariter ad construendum & dirigendum longè commodior ac facilior, præprimis cum omnibus cistis intermediis prorsus remotis, imò, quod maximum, absque omni ferro, ne unico quidem clavo ferreo unius obuli valoris (quod notandum) adhibito componeretur: & ut rem brevibus complectar, operam dedi, ut Machinam ex solis duobus asferibus gracilioribus, rotundum quasi Tubum præsentantem conficerem. Id quod principio quibusdam, ut ut alioqui non omninò rudioribus, ferè absolum, imò ad instar paradoxo videbatur; canalem ex duobus solummodò planissimis asferibus exædificare & instruere. Quandoquidem extra controversiam penitus est, duos asferes explanatos nunquam eâ ratione, ut tubum clausum referant, lucemque ab omni parte excludant, ita combinari ac conjungi posse. Nihilominus feliciter, cum DEO, succesit opus, ut desideratum finem obtinuerim, ac instar veri tubi eo commodè uti possim: quanquam, ut facilè intelligis, hanc ipsam Machinam construere, tum regere ac dirigere, res sit alicujus difficultatis.

Machinam autem ipsam ex quatuor asferibus, quadraginta ped. longis, quò debitam longitudinem centum quin-
 quaginta circ. ped. obtinerem, composui. Primò asfa-
 mentum decem vel undecim poll. ferè latum, ac uno &
 quartâ ejus parte crassum, æquabiliter explanatū & exten-
 sum arrectis lateribus super aliud asfamentum, tantummo-
 dò octo vel novem poll. latum, & vix tribus quartis unius
 digiti crassum ad medietatem penè explanati ejus lateris,

*Planè novâ
 ratione Au-
 ctor hanc cõ-
 structionē ag-
 gressus est.*

*Tubum com-
 ponere ex du-
 obus solum-
 modò asferi-
 bus, omni om-
 ninò ferro
 remoto, imò
 ne unico cla-
 vo ferreo ad-
 hibito.*

*Constructio
 Machinae pro
 Telescopio
 150 pedum.*




tanquam ad basin, orthogonaliter erexi & affixi: prout ex adjuncto Iconismo ad $a B a$ videre est. Et ut eò firmitus eà ratione conjuncta hæc duo asfamenta consisterent, plurimis anteridibus & tenaculis ligneis c secundum longitudinem impositis, ad tres vel quatuor pedes à se invicem remotis, uno scilicet latere in basin, asferem scilicet inferiorem b , altero verò latere anteridum c admovendo alteri asfamento orthogonaliter arrecto, & quidem à latere illius asferis arrecti postico, ibidemque ligneis c clavis firmisimè constrictis & conglutinatis statuminavi & corroboravi; ne vel minimùm hi bini asferes, tam subjacens, quàm arrectus, alter ab altero commoveri, vel se se distorquere possent, sed perpetuò eò in situ conjunctim conservarentur. Nam, quemadmodum jam Cap. VIII occasione illius Quadrantis meminimus, asfamentum illud $a B a$ ad latitudinè super alterum explanatum bb erectum, nullo modo finit inferius, basin videlicet subjectam bb , se se incurvare, licet asfamentum alioqui satis sit arctum & gracilentum; è contrario hocce asfamentum subjacens bb , cum suà planitie arrecto validè sit affixum, neutiquam permittit, ut superius aa arrectum ullo pacto se se obliquare queat. Ita ut hæc bina asfamenta quadraginta ped. longa dictà ratione inter se firmisimè combinata & conjugata, semper strictisimè in rectà omninò lineà se se conservare, & nullo modo inflectere possint, imò citiùs, maximà vi addibitâ, asferes illos ita compositos franges, quàm obliquabis: quemadmodùm facile intelligitur.


Asferes peculiarari ratione conjuncti & combinati minimè se finem incurvare.

Perforati asferes quadrati quem in finem sint affixi.


Ab altero autem latere illius arrecti asferis aa , ut ad A & D manifestum est, è regione anteridum & tenaculorum c asferculos quadratos d , sed amplo foramine præditos unius ferè pedis magnitudine insuper orthogonaliter erexi, & ad utrumque asfamentum, tam subjectum b , quàm arrectum a , ligneis clavis probè affixi, atque conglutinavi; eo non solùm fine, ut utrumque asfamentum magis magisque constringant ac corroborent, sed in primis, reliqua ut modò taceam, quò lumen adventitium, ab exteriori proveniens, omninò prohibeatur, ne in lentes incidat, oculosque

Obfer-





I
f
e
n
f



Observatorum irradiet. Combinatis itaque ac compositis quatuor illis partibus *ABCD*, artis nunc est, eas invicem secundum longitudinem conjungere & constringere, ut ne minimum quidem ferri res opus habeat, & nihilominus debitam suam habeat firmitudinem, etiam illicò rursus haud multo labore, temporisque dispendio restringi & resolvi possit. Ad hoc ipsum autem præstandum commodius remedium nullum planè invenire potui, quàm ut peculiare anginas ligneas constringentes sive constrictorias conficerem, quibus alioqui Scriniarii utuntur, dum asseres conjungunt & conglutinant, quales in præcedenti Figurâ, & superiori Tabellâ ad sinistram ad *f* delineatas dedi; hoc tantum discrimine, quòd Scriniariorum anginæ ab utràque extremitate firmiter clausæ ac conglutinatae sint, & quicquid in iis constringendum & arctandum est, intra aperturam, sive inter utrumque crus inferendum sit; hæ verò nostræ anginæ constrictoriæ, pro componendâ Machinâ hac nostrâ, tantum ab unâ extremitate sint clausæ & conglutinatae, ab alterâ verò extremitate peculiari ligillo quadrato, subscudibus sculpto (loco securiculæ) per strias anginæ utriusque lateris immisso occludantur, trajecto clavo ligneo, ne hocce ligillum exeat, sitque ad resistendum eò potentius, tum omni tempore illicò, quando opus, rursus eximi possit. In binas has anginas *f* duorum arrectorum asferum *D* & *C* extremitates conjunctim, sed exemptis primùm ligillis illis *e* ex anginis, à parte superiori in apertas anginas strictè immittuntur, cum fissura anginæ omninò crassitie utriusque; asferis arrecti respondeat; vel, quod præstat, binæ hæ anginæ *f* per foramina adæquata subjecti asferis *b*, baseos scilicet Machinæ, à parte inferiori sursum depanguntur: deinde dictæ anginæ ligillis illis quadratis *e*, ne ullo modo exilire vel rumpi queant, clauduntur, clavisque suis obfirmantur. Postea duos cuneos robustissimos ligneos, ad anginæ latitudinem planè formatos, sed sibi invicem obversos, in utramque anginam, inter securiculam *e* nimirum & binos asferes conjunctos immitto & depango, eosque paviculâ eousque validissimè cogo,

Quâ ratione partes illæ diversissimæ hujus Machinæ conjungantur & combinantur.

Peculiare anginæ constrictoriæ.

cogo, donec amplius cedere recusant, atque utrumque asfamentum *D* & *C* satis superque sit constrictum & coarctatum: prout ad *E*, imprimis ex superiori tabellâ ad dextram appositâ, videre est. Atque ita duæ hujus Machinæ partes debite sunt conjunctæ, ut nullâ vi, nisi cuneos recludas ac relaxes, disjungi & separari queant. Pari nunc ratione reliquas etiam *A* & *B* similibus quatuor anginis, cuneisque ad invicem constringuntur, ut omnes quatuor partes *A B C D* ordine secundum lineam rectam beneficio trium parium anginarum cohæreant.

De peculiari statumine, super medietatem erigendo.

Probè autem notandum, quòd in Machinæ medio ad *E* statumen aliquod *F*, super basin quandam decusfatam erectum, asferibus orthogonaliter arrectis imponendum & insternendum sit, anginisque amplectendum, ac simul cuneis illis angendum, quò ibidem Machinæ validè inhæreat, & nullo modo ab eâ discedat. Estque statumen dictum ad duodecim pedes altum, atque duobus anteridibus & retinaculis benè corroboratum: quemadmodum ex Delineatione superiori liquet. In statuminis vertice bini orbiculi super axe volubiles ad *i* & *k* inserti sunt; quo fine verò deinceps exponetur. Dispositis itaque his omnibus, ac partibus hujus Machinæ firmè inter se conjunctis, super imposito illo statumine decusfatâ suâ basi; adhæc, totâ Machinâ ad arborem, quâ elevari debet, deductâ, ibidemque ad libellam super truncos, sive sedilia omninò in directum protensâ, curvaturisque omnibus Machinæ exemptis (quò per singula foramina *d* ab unâ extremitate ad alteram liberrimè pateat prospectus) diversissimi rudentes, funesque, nec non trochleæ plurimæ diversi generis Machinæ applicantur & adstringuntur: quemadmodum ex superiori Schemate elucet, in primis ex hac appositâ adhuc paullò dilucidius, ubi Machina jam sublata pendet.

Necesse est, ut trochlea debito loco Machina annexantur.

Verùm plurimum interest, quo loco trochleæ instringantur, ut æquipondium videlicet quâ longitudinem invenias, atque funes gestatarii, sive portatarii æquali potentiâ Machinam arripiant, æqualiterque ubiq; sustineant. Nam, si binæ illæ trochleæ intermediæ *b* & *c* ad columnam nimis vicinæ

vicinæ ratione statuminis *f* annexæ fuerint, Machina terram versùs utrâque extremitate se se incurvabit, convexitatem scilicet circa medium sursum exhibendo; contrarium verò experieris, si trochleas illas binas *b* & *c* longiùs, quàm oportet, alligaveris, extremitates se se erigent, totaque Machina terram versùs contrahet convexitatem. Adeò, ut artis planè sit, initiò, quando Machina primùm adornatur, trochleas non solùm *b* & *c*, sed & reliquas *a* & *d* ita disponere & applicare, ut pari potentiâ ubique funes gestatarii totam Machinam sustineant, atque in rectâ lineâ sustentent. Huic rei autem maximum momentum accrescet, si rectè noveris ac exploraveris, à quo arrectorum asferum latere, an antico, an verò postico trochleæ sint annectendæ, vel quænam ab uno, & quænam vicissim ab altero adstringendæ. Etenim, nisi hæc omnia probè explorata habeas, nullâ ratione totam Machinam ad libellam, ut universi asferuli quadrati ac perforati *d* arrecti ad ductum Horizontis parallelum consistant, deduces, sed varias curvaturas ratione inclinationis deprehendes; quanquam parùm intersit, an Machina hæc paullulum sese convertat & inclinet, dummodò rectam omninò lineam quâ longitudinem perpetuò exhibeat. Præstat tamen, totam Machinam non tantùm prorsùs in directum protensam, sed etiam ubique ad perpendiculum erectam habere. Isthoc pacto namque quævis objecta procliviùs reperies, quàm si Machina transversò & acclinato aliquo situ pendeat. Suafor itaque sum, ut omnem adhibeas industriam, quò Machinam dictam primùm tum quâ longitudinem, tum quâ inclinationem ritè & exactissimè constituas; id quod utique fieri etiam poterit, si solummodò laborem non verearis.

Funes gestatarii.

Quomodò verò, & ubinam trochleæ omnes secundùm proportionem exhibitæ nostræ Machinæ sint alligatæ, promptiùs ex Delineatione ipsâ, quàm prolixâ informatione addisces. Primò quatuor trochleas ad asferes erectos anneximus; nimirùm priorem ad *a* antecedentes anginas, alteram ad *b*, tertiam ad *c*, & quartâ ad *d*, per quarum orbiculos rudens fortissimus, aliàs gestatarius nobis dictus, tra-

Ordo & dispositio trochlearum.

F f f

jectus

*Longitudo
rudentis ge-
statarii.*

jectus est, eâ ratione, ut alteram rudentis extremitatem primùm per *d*, dein *c*, rursùs per orbiculum inferiorem duplicis trochleæ *e*, hinc per trochleam *b* & *a*, & deniq; iterum per duplicis illius trochleæ orbiculum, sed superiorem trajecerim, extremitatibus ad *f* constrictis. Rudentis autem longitudo necesse sit omninò operi adæquata: quandoquidem, si nimis brevis est, nullo pacto satis validè sustentat Machinam; rursùs si debito longior est, ut ultra statumen *k* exporrigatur, ægrè admodùm Tubus in suo arrecto situ conservatur: quippe statumen *F* facilè infra trochleam duplicatam *e* transfiret, ac se se converteret, maximo Machinæ dispendio; quòd si verò debitam hujus rudentis longitudinem observaveris, statumen *F* potest se se ad rudentem reclinare, vel quod idem, rudens, per duplicem trochleam *e* duplicatò trajectus, statumen *F* sustentat, ne se se invertat, atque ab arbore discedat, sed situm suum eò meliùs conservet. Sublatâ itaque duplici hac trochleâ *e* ope funis ductarii *y x* in altum, protinùs rudens gestatarius *d c e b a e f* ubique in suis locis æquabiliter prorsùs Machinam apprehendit & sublevat: quippe dictus rudens liberrimè per omnes orbiculos incedit, & nullibi remoratur, imò pro diversâ elevatione promptissimè duplici trochleâ *e* cedit; sicuti Mechanicarum Rerum periti facilè intelligunt. Quòd si verò duos diversos funes, alterum scilicet ad *b* & *c*, alterum rursùs ad *a* & *d* alligassem, eosque tantùm per binos illos orbiculos *e* duxissem, fieri sanè haud potuisset, ut Machina adeò æquabiliter tolleretur, ac in lineâ rectâ confirmaretur. Mox enim hic, mox ille funis laxior, nunc strictior foret, quod illicò Machinæ obliquitatem procrearet. Nam scias velim, Machinam hanc vastissimam, ob nimiam suam longitudinem, ut ut partium compactio & constructio sit penitùs validissima, procliviter tamen admodùm curvaturam inducere, atque à lineâ rectâ discedere; hinc nisi huic incommodo subvenias, Machinam nimirùm ope funium, per plures trochleas sibi invicem cedentium, æquabilissimè ab omni parte attollendo, profectò operam egregiè ludes, atque perdes.

Nisi rudente gestatario huic Machina subveniatur, procliviter se se inflectit.

Verùm




A. Siedel delin.

Fig. AA.

J. Seel Sculp.

77
ft.



Verum enimvero, unicus hicce rudens, per sex illos orbiculos trajectus, licet ferè sit omnium primarius, neutiquam tamen adhuc solus huic rei sufficit; quò videlicet tota hæc Machina in debitâ suâ rectitudine conservetur.

Diversis finibus ad hanc Machinam attollendam opus habemus.

Etenim, licet circa Machinæ medietatem ad *a b c d* officium suum præstet, neutiquam tamen ipsas extremitates *g & i*, ut istæ se haud evidentissimè Horizontem versùs inflectant, constringere valet. Proinde quò & huic rei succurrem, volui primùm statumen illud *F*, in basi suâ *G* erectum, Machinæ circa medium imponere, ibidemque duplici anginâ constringere, aliisque tenaculis renitentibus obfirmare, ne se se facillè perverteret; quâ verò ratione hæc omnia sint confecta & combinata, nec Schemate adeò dilucidè commonstrare, nec verbis, ut chartæ parcerem, describere potui; oportet igitur, sis, ut ipse reliqua inquiras. Super istius nunc statuminis orbiculum *k* superiorem pariter, ut in præcedenti Tubo sexaginta ped. factum est, alium rudentem satis crasum (quem directarium appellare lubet) extre-

Finis directarius.

mitatem Machinæ *g* versùs duxi, ibidemque, ubi nempe moles id requirit, extremitatem illius rudentis annexi, vel annexo unco ibidem appendi; alteram verò rudentis illius extremitatem *b* ad Ergatam (quæ vecte dentato trium circiter pedum longitudine, ac striato axiculo, alioque artificio intrinseco constructa est) ad *i*, circa Machinæ extremitatem alteram inferiorem adstrictam, validissimè alligavi; sed oportet, ut rudens iste directarius in antecessum, si recens est, optimè sit distentus, ne se se nimium deinceps dilatare & expandere possit. Quandoquidem hicce rudens *g y b* eam ob causam adjectus est, quò liceat utramque Machinæ extremitatem superiorem & inferiorem regere, tantumque elevare, ut resurgant, quantum à rectitudine Machinæ deficient: quemadmodum quoque factu admodum est proclive. Nam dum Ergatam, vel ejus vectem ferratum *b i*, qui loco cochleæ perpetuæ servit, manubrii beneficio circumagis (cujus faciem melioris intellectus gratiâ in superiori Iconismo *Z* delineatam dedi) rudens iste *g y b* adeò distenditur & attrahitur, ut necessariò inde utraq; Ma-

Ope alienius Ergatae funis gestariis adstringitur.

Quomodo Machina beneficio Ergata ad rectitudinem deducatur.

chinæ extremitas se se attollere & erigere cogatur: id quod isto Instrumento, seu Ergatâ perquam lenissimè, nullo ferè labore, unâ manu peragitur, ut sic mirum in modum exactissimè Machinam totam ad rectitudinem, si quid ei deest, reducere valeas, etiam sublatâ jam Machinâ, ac in altum provectâ, omni tempore, quando volueris, ac correctione & reductione aliquâ opus habere videris; quia Ergata ad partem Tubi inferiorem residet, ubi nunquam non illam arripere, manubriumque ejus circumducere Tibi est promptum.

*Singulare
admiculum
Machinam
hanc vastis-
simam regedi.*

*Machina
200 ped. quo
modo regi pos-
set.*

Eâ nunc ratione, atque hâc Ergatâ, unico hoc rudente à *g* per *k* ad *b* ducto, integrum nobis est, totam hanc amplissimam centum quadraginta, imò centum quinquaginta ped. longam, maximæque molis Machinam quâ ejus extremitates abundè angere & constringere. Quòd si verò hâc Machina ad quinquaginta pedes adhuc productior esset, & ad ducentos pedes excurreret (qualem construere, adjuvante Divino Numine, me pariter posse utique confido) rudens directarius *gk b* solus haud sufficeret, sed multò longiori opus foret; quem itidem per quatuor trochleas, circa extremitates Machinæ apponendas, prout circa intermedium rudentem primarium fecimus, nec non per alterum orbiculum inferiorem statuminis *F* ducerem, atque inter utramque rudentis extremitatem Ergatam vel cochleam illam perpetuam annecterem, quo admiculo longè adhuc meliùs longitudini & ponderositati Machinæ succurri posset: quin-etiam, si hâc nondum sustinendo oneri satis esent valida, intermedium rudentem gestatarium, per quatuor trochleas trajectum, per sex trochleas, atque tertium orbiculum statuminis *F* perductare posses; quibus omnibus adjumenta haud levia huic vastissimæ Machinæ importarentur: in summâ, ut videas, multiplici viâ talem molem me exstruere ac regere posse. Præsens autem hâc nostra centum quinquaginta ped. nec aliâ ratione, nec longioribus funibus opus habet, siquidem iis, ut commonstratum est, optimè firmari potest & sustentari.

Atque

Atque hæc breviter, quoad fieri potuit, de Machinæ hujus distensione & elevatione secundum longitudinis suæ ductum dicta sunt. At, inquires, hisce nondum expedita sunt omnia, nec metam attingimus. Quippe cum hæc

*Talis longis
sima Machi-
na quomodo
omni parte cō-
stringenda.*

constructio tantummodò ex binis asferibus explanatis sit composita, licet quælibet hujus Machinamenti pars quarta per se reverà nulli inflexioni laterali facilè cedat; nihilo tamen minùs, combinatis & conjunctis ope anginarum illis quatuor partibus, facilimè ob gracilitatem Machina sese notabili parte sine dubio incurvabit & obliquabit. Utiq; largior, longitudinem illam nimiam, atque summam corporis gracilitatem inducere aliquam incurvationem lateralem, quando nempe in altum attrahitur ac commoveatur; in primis, si totam Machinam unâ extremitate regas. Id quod autem necesariò, fateor, si quicquam accurati Tubo isto peragere satagas, summoperè evitari debet. Sed quomodo, inquires, huic incommodo præveniendum? quàm facilimè, inquam, & quidem leviori & planiori aliquo adjutorio. Nam, cum maxima Machinæ infirmitas existat, ubi partium extremitates anginis illis, cuneisq; coadunatæ & constrictæ sunt, resticulam benè distentam ad *m* alligatam pariter ad *o* firmiter annexi; rursùs continuando à *p* ad *r*, atque ab *f* ad *u* usque, ita ut asferum conjunctio, & anginæ constringentes in medio resticulæ constituentur, quo loco ligillum sive tigillum dentatum, quatuor ferè ped. longum, sed subtilissimum abiegnum, vix uno & dimidio pollice latum, crasum verò uno poll. ad basin Machinæ, sive explanatum asferem applicui: prout ex præcedente Iconismo A A ad *n q t* liquidum est. Deinceps, constitutis his ligillis ligneis denticulatis instar sufflaminum ab utroque latere, tam antico, quàm postico (pariter siquidem ibidem resticula dicto modo annexa est) tum, quâ parte videlicet Machina sese oblectit, resticulam à parte oppositâ, donec sufficiat, attraho & intendo, eamque in crenam ligillorum convenientem, ne retroeat vel retrocedat, intensionem immitto (planè ac si arcum intendas) & quidem ab omni parte, ubi incurvatio sese offert, id faciendum,

*Quâ ratio-
ne omnis la-
teralis infle-
xio evitari
queat.*

*quomodo
omni parte
cōstringenda.*

*Etiã abs-
que ligillis
Machinam
ad rectitudi-
nem reduce-
re.*

usque dum deprehendas, Machinam ad lineam rectam omninò esse reductam. Id quod facile cognoscitur, etiam absque illis ligillis visoriis, quæ loco Pinnacidiorum Tubis aliàs nostris, ut Cap. superiori p. 390 & 393 dictum est, inferviunt, si duntaxat juxta ductum longitudinis Machinæ ad quadratorum aserculorum perforatorum cuspides collineas, protinùs omnis curvatura se deteget. Quòd si verò animadvertis, intenso funiculo, exempli gratiã *n*, ab uno latere in excessu esse peccatum; confestim oppositam resticulam *vv* intende, & excessum recorrege, & sic consequenter in reliquis curvaturis idem facito; quò sic possis per universa foramina ab initio scilicet ad finem usque Machinæ liberimè transpicere. Quo artificio non solùm Machinam ad omnimodam rectitudinem rediges, sed etiam eam ipsam quæ partes circa combinationes & juncturas ita corroborare, ut apprehensâ unâ extremitate, ubi lentes oculares sunt repositæ, nullo negotio alteram ab oculo averfam remotissimam ex voto commovere non nequeas, manente semper Machinâ planè incurvatâ & illæsâ; sed necesse est, ut tranquillâ aurâ hancce erigas, tractesque Machinam; ventus enim alioquin ob maximam proceritatem illam mirè vexat, jugiterque reciprocatur.

*Debito loco
& tempore
etiam minima
plurimùm
valent.*

*Lentes pe-
culiaribus ci-
stis Machina
apponuntur.*

Vides igitur, amice Lector, quomodo nonnunquam re aliquâ leviusculâ, nullius ferè momenti, magno & arduo negotio suppetiæ ferantur, si nimirum debitè & cum ratione suo tempore adhibeantur. Exemplum præstò est, quòd nimirum gracili resticulâ ad ligillum adeò subtilissimum & fragile ferratum uno digito intensâ, tantam immensam molem leviusculâ scilicet potentiâ regere & dirigere queamus, tantoperè, ut, resticulâ in unâ aut alterâ productiori crenâ insertâ, illicò totam Machinam notabiliter immutatam sentias. Totâ itaque Machinâ ad amussim rectificatâ, tum quoque, an etiam in elevatione & attractione ullâ aliquâ ratione à perfectione suâ discedat, vel se se distorqueat benè exploratâ, binas illas cistas, ex leviusculis & subtilissimis asamentis confectas, utpote *H* & *M*, illam, cui tubulus diductilis duabus scilicet cicutis *z* instructus est,

est, hanc verò *M*, cui lens objectiva inserta est, ad utramque Machinæ extremitatem tenaculis & subscudibus ligneis adstringo, ne vel ullo modo nutent, nedum decidant; sed oportet, ut omninò cognitum & exploratum in antecessum habeas, quo loco superior cista *M* cum suâ lente convexâ, respectu lentium distantia, affigi debeat: quandoquidem Tubo elevato tum primùm in distantiam inquirere, ac toties tantam Machinam demittere, rursùsque attollere, nimis foret operæ. Præstat ergò, ut jacente Machinâ veram diductionem ad terrestria objecta explores, atque inquiras.

His insuper omnibus peractis & observatis, tota Machina ad elevandum, & phænomena exponendum stat in procinctu. Cùm verò Machina hæc ingens sit moles, tum in longum jugiter excurrat, spatiumque, ubi conjungi, instrui & attolli debet, requirat amplissimum; idcirco hanc ipsam in Speculâ nostrâ ædium mearum haud tractare possum; inprimis ob crassissimam & procerissimam arborem, singulis vicibus erigendam. Coactus igitur alium locum, atque receptaculum in prædiolo quodam suburbano, haud procul ab Urbe nostrâ, in egregiâ planitie, ubi undique liberrimus patet prospectus, elegi; præprimis, quia ibidem tam Machinam ipsam, quam totum ejus apparatus conservandi optima datur commoditas.

Hoc loco sub liberrimo Dio ingentem, crassissimam, procerissimamque arborem, nonaginta penè pedes longam primùm in terram altè insertam, ac super decussatam basin, ex trabibus robustissimis compactam, quatuor suis retinaculis renitentibus impositam erexi & constitui; ac ita quidem, ne ullo modo vi procellarum commoveri, vel loco cedere possit, sed immota semper consisteret. Per hanc arborem sursum versus ordine foramina ad climacteres inferendas sunt perterebrata, quò fabro alicui lignario, vel alteri cuidam hujus rei assueto ascendere, trochleamque illam superiorem, binis orbiculis instructam, ad arboris cuspidem adstringere detur, atque postmodum funem ductarium illum longissimum, ac bene crassum per quatuor orbiculos

*Machinâ
hæc amplissi-
ma non in æ-
dibus nostris,
sed ante urbem
in campo quò-
dam prædiali
ad Astrâ ex-
ponitur.*

*De arbore,
quâ Machi-
na suspendi-
tur.*

Funis ductarius per diversos orbiculos ducitur.

culos binarum trochlearum x & y , quò facilimè ac promptissimè moles moveatur, eò commodius trajicere liceat. Nam quò per plures orbiculos funis ductarius transit, eò pondera minori potentiâ, quanquam paullo tardiùs, moventur ac attolluntur. His itaque instructis, necesse nunc est, ut trochlea y ad alteram illam duplicem trochleam e , per quam aliàs rudens gestatarius incedit, alligetur; sed hac ratione id fieri oportet, ut statumen k suo fune directario g k b inter cochleas dictas y & e , arboremque remaneat: eam ob causam, ut statumen F à nullo latere declinet; atque sic tota Machina à suo situ arrectiori vel minimùm deviet. Id quod eò magis quoque prohibetur, si maxima pars trochlearum a b c d ad latus adversum respectu nostri, arborem versùs, singulari tamen moderamine, alligetur; atque tum statumen superducto suo & extenso fune directario quadruplici rudenti gestatario, ne ullo modo unà cum Machinà perverti possit, securè incumbit.

Ergata, quâ Machina attollitur.

Præterea, infra ad pedem arboris succulam, sive jugum ligneum cylindricæ figuræ, quod duobus fulcris arrectariis transversim impositum, & suis vertitur cardinibus, decussatis vectibus adornatum locavi; cujus beneficio tota illa vastissima Machina, duorum solummodò virorum auxilio, eousque, quò phænomena exposcunt, promptè utique elevatur. Postmodùm in altum deductâ, tubuloque illo minori, duabus cicutis constructo, atque duabus plerunque lentibus ocularibus armato, ad cistam H cochleâ suâ affixo, atque ligamentis probè, uti consuevimus, adstricto, eam ipsam Mensam nostram Telescopicam versatilem, superiori Capite jam descriptam, Machinæ adhibeo, eamque inter bina illa Mensæ illius statumina pari modo, uti diximus Cap. XX, immitto, binasque trochleas, funiculo ductario, suoque pondusculo, sive sacomate armatas, debito loco appendo, non neglectis reliquis insuper adhibendis, promptum Tibi erit, etiam omnium maximum Tubum, utpote hunc centum quinquaginta ped. æque leniter, faciliter, ac velociter regere, ac ad quodvis objectum minimum non secùs, ac si Tubum viginti pedes longum, vel minorem haud fanè

Hæc Machina 150 ped. pari artificio, ut reliqua Telescopia aliquantò breviora commoveantur ac reguntur.